

佛祖統紀

三十一

風陵文庫

文庫19

F229

11



三世出興志第一

佛祖統紀卷三十一

天宋景定四明東湖沙門志磐撰

久遠劫來諸佛出世已粗陳於釋迦本紀之前矣今  
 約三千如來用明七佛繼興及今佛像未法滅之相  
 承之以彌勒下生終之以樓至成佛乃至星宿未來  
 莫不略錄茲蓋克論此方一須彌山南洲之化事而  
 十方刹土正可以會通云耳荆溪師云必有一人最  
 初先覺遂以斯道轉覺後覺相續不已覺者滋多乃  
 有十方三世諸佛為明此義撰三世出興志  
 梵語劫波此云分別時節論以人壽八萬四千歲首  
 年命減一年減至十歲百年增一年或云子倍父壽復增至

山門禪定  
藏若藏本

F0229-(11)

八萬四千歲。如是一減一增。為一小劫。二十增減。為一中劫。揔成住壞空四。中劫為一大劫。沙論今論過去。見在。未來三世。各一大劫。

過去莊嚴劫。此劫有成住壞空各二十小劫

成二十小劫。每一小劫各一增後放此

住二十小劫。有千佛次第出世。始自華光佛。終至毗

舍浮佛。過去七佛有三佛在莊嚴劫。四佛在賢劫。

九百九十八尊。毗婆尸佛。姓拘利若父。槃頭母。波提子。方脅侍者。無憂人。壽八萬歲。出世。若般頭波提城。坐波波羅樹下。說法三會。度人三十四萬八千人。

九百九十九尊。尸棄佛。姓拘利若父。明相母。光曜子。無量侍者。忍行人。壽七萬歲。出世。若光相城。坐分陀利樹下。說法三會。度二十五萬人。

毗舍浮佛。第一千尊。姓拘利若父。善燈母。稱戒子。妙覺侍者。寂滅人。壽六萬歲。出世。若無喻城。坐娑羅樹下。說法度十三萬人。長阿含經。○案音薩本。行經自毗婆尸等二佛。

壞二十小劫

空二十小劫。成住壞四者之相。並於後賢劫中見。

見在賢劫。以多賢人故。名賢劫。智論

成二十小劫。自過去莊嚴劫。壞空之後。至今賢劫。初

成時光音天空中布金色雲徧覆梵天注大洪雨  
猶如車軸積風輪上結為水輪增長至天住界南  
斷水退有大風起吹水生法擲置空中作梵天宮  
殿七寶間成水復退下如前風起吹擲水沫成魔  
羅波旬宮殿次造他化自在天展轉至夜摩天宮  
殿水復退下大風吹沫造須彌山四寶所成復吹  
水沫造三十三天七寶宮殿復於山腹造四天王  
宮及日月星天七寶宮殿及造空居夜叉頗梨宮  
殿又於須彌四面作脩羅城七寶莊嚴又吹水沫  
作七金山四大洲八萬小洲周匝安置小輪圍山  
金剛所成如是大風吹掘大地漸漸深入置大水

聚成七香水海及大鹹水海又於地下造閻摩羅  
宮殿地獄住處如是三千世界一時同成此外更  
造大輪圍山包裹此大千界其中六欲須彌日月  
四洲乃至小鐵圍山各有萬億此約經歷二十增  
減次第而成起世經

第一小劫增減過去劫壞一切有情又集光音天中天  
衆既多居處迫窄諸福減者應下居世間最初有  
一天子從光音沒來生大梵宮殿之中是為梵王  
經一減一增念言無有梵子來生我處梵王先生後沒經成劫以此為壽

第二小劫增減時光音諸天來生梵世者為梵輔天壽四

十小劫即是自成劫第二  
增減劫至第一增減時後

第三小劫增減光音諸天復有來生梵世者為梵劫天

壽二十小劫即是自成劫第三增減至住劫第一增減時後或過此來生者前後不定則及時亦前後不漸漸下生六欲諸天人趣以惡業力漸漸下

生餓鬼旁生地獄後成先壞法爾如斯時光音諸天福盡來下作生為人或樂觀新地者光明遠照

飛行自在無有男女之相衆共生故故名衆生承以衆作平聲其實無據地涌甘泉味如酥蜜以指試嘗遂生

味著失其神足及以身光世間大闇黑風吹海漂出日月置須彌山腹照四天下時諸人輩見出則喜見入則懼自茲之後乃有晝夜晦朔春秋歲數

終而復始由耽地味顏色粗悴地味既隱乃生林

藤藤兩枝彌菊復共耽食林藤復隱使生自然統稻

統音庚稻不結無有糠稬苦會反備衆美味此食稍粗穢

穢在身為穀蠲除便有二道成男女根情慾多者便為女人宿習力故使生媾欲夫妻共住光音諸

天後來生者入母胎中遂有胎生是時先造瞻婆大城之至一切城郭自然統稻朝刈暮熟刈後隨

生米長四寸時衆生并取二日糧乃至取五日糧漸生糠稬刈不生衆懷憂惱各封田宅造作田

種其後多有盜他田稻便相拳鬪無能決者議立一平等王賞善罰惡便有刀杖殺戮衆共供給號

刹帝利此云田主自後諸王以此為首時閻浮提天下  
 富樂安隱八萬郡國人民聚落雜鳴相聞無有病  
 患大寒大熱主行十善正法治國人民愛敬壽極  
 大以諸經多言壽極八萬四千後王不行正法其  
 壽漸減至八萬四千歲時身長八丈百年命減一  
 年身減一寸如是減至十歲身長一尺名為減劫  
 之極自此之後百年增一年有經言子倍父壽者縱有此事增減不齊  
 增至八萬四千歲名為增劫之極一減一增終而  
 復始增至八萬四千歲時有金輪王出七寶千子  
 治四天下國立豐樂女年五百歲方嫁此後凡遇  
 增劫之初皆有金輪王出世長阿舍經

第四小劫增減乃至第二十二小劫增減

住二十小劫

第一小劫增減 ○光音諸天來生梵世最初為梵眾天

第二小劫增減

第三小劫增減

第四小劫增減

第五小劫增減

第六小劫增減

第七小劫增減

第八小劫增減

第九小劫增減人壽減至五萬歲時第一拘留孫佛出

世姓迦葉父禮德母善枝侍者善覺子上勝居安和城坐尸利沙樹下說法一會度四萬人

減至四萬歲時第二俱那舍牟尼佛出世姓迦葉父大德母善勝侍者安和子導師居清淨城坐烏暫婆羅門樹下說法一會度三萬人

減至二萬歲時第三迦葉佛出世姓迦葉父梵德母財主侍者善交子集軍居波羅奈城坐尼俱律樹下說法一會度二萬人

減至一百歲時第四釋迦牟尼佛出世本在一萬歲時為觀衆生無機可度至百歲劫末苦逼故出乎世長阿含經大智度論

減至八十六歲時盡正法一千四百年

案法住記佛告阿難我滅度後正法一千年由女人出家減五百年像法一千年末法一萬年

善見論云佛初不度女人後為說八敬法還得一千年法苑云天人答南山曰佛錫杖在龍窟

中四十年住為如來去後有飛行羅刹能說十二部經詠為善比丘食諸持戒者日別四百為

斷此惡故鎮龍窟中復令正法增住四百年像法增千五百年末法增二萬年

減至七十八歲入像法八百年是為今時正得壽

以佛滅二千二百年為約今減二十二年歲至理宗傳祐十一年維之

減至六十一歲盡像法二千五百年解見前文

減至三十歲入末法三千一百年人長三尺時饑

饑災起由人民皆行十惡草萊米穀五種上味悉

皆隱沒唯煎朽骨共為燕會若遇一粒粟稗藏護

如寶六七年來夫不降雨尚不得水何況飲食人

多餓死郡邑空荒七年七月七日其災方息時有

一人合集男女有福德者凡得萬人留為人種人

能行善所須飲食天即雨下雜出阿毗曇論瑜伽對法論中阿含經莊

椿錄等文

減至二十歲入末法四千一百年人長二尺時疾

疫災起由人行惡復盛俱遭病死無人送埋郡邑

空荒唯少家在經七月七日其災方息唯留萬人

為種人持善行飲食衣服天即雨下

減至十歲入末法五千一百年人長一尺女人五

月便嫁時刀兵災起由人行惡轉盛各起殺害之

心能行惡者為人所敬隨執草木瓦石皆成刀劍

更相殘害橫死無數亦有厭惡入山隱藏七日七

夜其災方息唯留萬人為種人從隱處而出更互

相見起慈愍心共行善法衣食所須天即雨下由

能行善壽復增長復從百年命增一年已上謂之

乘正報若值大三

南洲人壽至十歲時刀兵劫起互相誅戮佛法是



時當暫滅沒法住記

增至四十九歲時入末法一萬年月光菩薩出真

丹國即東土也說法滿五十二年廣度衆生入涅槃

後首楞嚴經般舟三昧經先滅不現餘經次第而

滅無量壽經後住百年大度衆生然後滅去本起經

案無量壽經云當來之世經道滅盡我以慈悲哀

闕特留此經止住百歲其有衆生值斯經者隨意

所願皆可得度南岳頌文云我今誓願特令此經不滅至彌勒佛出世

增至一百歲時入末法一萬五千一百年南洲人

復修善時十六阿羅漢與諸弟子復來人中顯說

無上正法度無量衆令其出家法滅盡經

增至二百四十四歲時入末法二萬九千五百年

法將滅時尚五百歲一心修此法華三昧即得六

根清淨故知末代亦有入大乘之機淨名疏引

增至二百四十九歲時盡末法三萬年

增至七百歲時十六羅漢弘法已畢自下入世至

化以一切經典舍利收聚起塔結加趺坐圍遶此

塔俱沒於地是為佛法滅盡之相自此有千億辟

支佛出世說法利益衆生法滅盡經○法住記人

用七寶造塔塔波釋如遺身狀都皆集其內香華

供養作如是言我先受勅護持正法及與大人作

諸繞益法藏已沒有緣已周今辭滅度先定願力

火起焚身時塔波便墮入地住金剛際爾時釋

迦正法末滅從此世間首七百萬俱起獨覺一時出

現人壽八萬歲時獨覺聖衆復皆滅度次後彌勒

如來出現世間○記言七萬末滅去

末法太遠今以經云七百萬歲為正

增至二萬歲時鐵輪王出獨治南洲俱舍論金銀

三四洲鐵輪王一洲金輪王四洲

增至四萬歲時銅輪王出治東南二洲

增至六萬歲時銀輪王出治西南三洲

增至八萬四千歲時金輪王出治四天下輪王成

就七寶一金輪寶者若聖王出天金輪寶忽現在

前輪有千輻天匠所造輪徑丈四聖王見之手摩

輪曰可向東方如法而轉輪即東轉王將四兵隨

其後行東方諸小王來請拜云善哉大王願於此

治時聖王言汝等當以正法治化勿使偏枉諸王

聞之即從聖王巡行諸國至東海表南西北方隨

輪所至亦復如是二白象寶者王坐殿上忽現在

前即試習乘其上清且出城周行四海食時已還

三紺馬寶者忽然現前清且乘行食時即返四神

珠寶者忽現在前置高幢上光照一由旬城中人

民皆起作務謂是晝日五玉女寶者忽然出現顏

色端正冬溫夏涼六居士寶者諸經名典財寶忽然出現

地中寶藏皆悉知見七主兵寶者忽然出現智謀

雄猛專任討伐是為輪王七寶成就長阿舍經

第十小劫增減至八萬歲時第五彌勒佛出世時閻

浮提其地平正如琉璃鏡華林茂盛高三十里八

萬四千衆寶小城周徧天下其中大城名翅頭末

七寶樓閣七重行樹園林浴池八功德水街巷道  
陌廣十二里其土安隱無有怨賊劫竊水火刀兵  
饑饉之難有明珠柱高十二里光明逾日晝夜常  
照香風時來吹珠柱上兩寶瓔珞衆人取之以爲  
服用衆寶羅網彌覆城上風吹寶鈴演說歸依佛  
法僧人身長十六丈壽命滿八萬歲無有中夭女  
人五百歲方嫁日受妙樂遊深禪定如三禪天人  
常慈心恭敬和順皆由彌勒慈心訓導持不殺故  
唯有三病一者飲食二者便利三者衰老有香萎  
穢一種七種百味具足入口消化便利之時地裂  
生赤蓮華以蔽穢氣人民既老自然行詣樹下念

佛待盡生大梵天及諸佛前有轉輪聖王名曰僂  
佉音裏下七寶千子四大寶藏滿中珍寶衆人見  
之心不貪著各各謂言釋迦佛時往昔衆生爲此  
寶故更相偷劫造生死罪時彌勒菩薩於毗率天  
宮當下作佛生大婆羅門家父名脩梵摩母名梵  
摩跋提下生託胎身紫金色三十二相坐寶蓮華  
光明無量身長三十二丈如黃金山正念觀察苦  
空無常不樂在家時僂佉王持七寶臺奉上彌勒  
受已施諸婆羅門即便毀壞各共分之彌勒見此  
寶臺須臾無常知有爲法皆悉磨滅修無常想讚  
過去佛無常之偈諸行無常是生滅法生滅滅已

寂滅為樂說此偈已出家學道詣翅頭末城外金剛莊嚴道場龍華菩提樹下枝如寶龍吐百寶華故名龍華即於是日初夜降魔成道釋梵四天請轉法輪時憍佉王與八萬大臣俱求出家須髮自落即成沙門時彌勒佛與憍佉王等諸比丘僧天龍八部入翅頭末城中央其地過去諸佛所坐金剛寶座自然涌出佛於此座轉正法輪時諸婆羅門長者須達那今須達長者是轉輪王寶女即玉女寶舍彌婆帝今毗舍佉母是彌勒親族須摩提今善賢比丘尼是各與八萬四千人出家學道時憍佉王千子俱求出家唯留一子用嗣王位彌勒世尊初會於金剛座

上說法九十六億人得阿羅漢西域記波羅奈國彌勒受記成佛處佛告園說法九十四億人得阿羅漢彌勒受記成佛處佛告說法九十二億人得阿羅漢彌勒受記成佛處佛告彌勒三會說法其得度者皆我遺法植福衆生在家出家持戒犯戒皆蒙化導證果解脫三會之後乃化同是時彌勒與無量人登耆闍崛山頂手摩山峯摩訶迦葉即從定起持佛僧伽梨衣授與彌勒漏身虛空作十八變入般涅槃收身舍利山頂起塔彌勒佛住世六萬歲入滅之後諸天世人收取舍利於四天下各起八萬四千寶塔正法住世六萬歲像法亦六萬歲雜出彌勒下生經彌勒來時經彌勒成佛經賢愚經處善處胎經去彌勒世有五百六十七萬歲處經五十億七千六百萬歲彌勒下生經上生

經並云五十六億萬歲莊椿錄自佛滅取訖劫生有八百八十萬九千二百年諸說不同未曾校等

十一小劫增減

十二小劫增減

十三小劫增減

十四小劫增減

十五小劫增減

此減劫中自第六師子佛下至欲樂佛凡九百九十四佛相繼出興說法度人藥王經俱舍論佛告頻婆娑羅曰過去然燈佛滅後有一獼猴見羅漢入定即取坐具披作袈裟遶比丘行比丘定起為說三歸五戒求菩提法獼猴依教受已踊躍歡喜緣樹墜死生兜率天值一生補處菩薩為說

無上道從是以後值佛無數於最後身次彌勒後

當成菩提號師子月佛今婆須密多是也師子月經

十六小劫增減

十七小劫增減

十八小劫增減

十九小劫增減

二十小劫增減

最後增劫中第一千樓至佛以本願九故出增劫早出暮滅是時人多厭世修諸禪定住劫已極易可化度但使性是沙門汚沙門行形似沙門被著袈裟於彌勒佛所得入涅槃無有遺錯俱舍論大悲經

述曰釋迦遺教不了之徒寄諸彌勒彌勒遺教寄諸九百九十四佛此諸遺教次第相寄最後以寄樓至樓至之世易可化度苟或不了可謂極鈍極鈍之機不免有待星宿之劫悲夫佛佛世世得逢遺教縱未得出猶以為幸倘因中間造極重惡長劫無間則與佛相背此為可痛如目連入地獄問訊調達獄卒報云此有迦葉佛時調達釋迦佛時調達欲問何者此雖大權難以情測權必引實寧無實報之輩惟茲末代此土修行有教無證欲祈易了莫若專修淨土往生之行則一登無生永居不退後佛化化正可

乘願來參影響之數寄言有志當思務進

拘留孫佛人壽四萬歲時出拘那含牟尼佛三萬歲時出迦葉佛二萬歲時出釋迦佛百歲時彌勒佛八萬四千歲時師子佛七萬歲時光炎佛九萬歲時柔仁佛六萬歲時華氏佛五十萬歲時次復有華氏九億歲時善月佛七萬歲時現義佛百歲時出云第一千慧業佛即樓至之華言人壽八萬歲時出賢劫千佛過已六十五劫無佛此甘一歲論然後有劫名曰大稱往昔擇明輪王千子於此皆同斯劫成最正覺過是劫已竟八十劫都無佛興然後有劫名踰星宿音秀後同往昔擇明輪王八萬大臣於

斯劫中成取正覺過是劫已竟三百劫亦無佛興  
然後有劫名重清淨擇明輪王聖后采女成最正  
覺賢劫

迷曰俱舍論約三世增減論三千佛出興之漸  
賢劫經明諸佛出興有久有近不定劫數此有  
三意一者佛起機所說不同二者結集部別不  
同三者傳譯前後不同難以和會此例然粗論  
次第取證增減則必以俱舍為本慈恩劫章正  
取此論

壞二十小劫增減火災壞至初禪壞劫有火水風大三  
番火災若水風二災不在賢劫中止論始從地獄終至梵天有

情世間經十九增減次第壞盡唯器世間空曠而  
住乃至三千世界一切有情都盡最後一增減劫  
方壞器世間世間如有器故名有七日從海底出大海盡竭  
須彌崩壞風吹猛燄燒上梵天悉成灰燼乃至三  
千世界一時燒盡此為依正俱壞名為壞劫順正  
空二十小劫增減自初禪梵世已下世界空虛猶如墨  
穴無晝夜日月唯有大冥如是二十增減之又往  
為空劫俱舍  
未來星宿劫千佛出興如天星宿  
成二十小劫增減  
住二十小劫增減此劫中有千佛次第出始自日光佛

終至須彌相佛藥王佛言我滅度後若有勤修功德行衆三昧稱彌勒名行六事法度也必定得生兜率天上亦隨彌勒下生閻浮第一聞法於未來世值遇賢劫一切諸佛於星宿劫亦值諸佛受苦提記彌勒上生經

壞二十小劫增減

空二十小劫增減○成住壞空之相並如前釋

有能一日夜持不殺戒決定不逢刀兵火起能以一訶梨勒果起殷淨心奉施僧衆決定不逢疾疫災起能以一搏食施諸有情決定不逢饑饉火起東西二洲無根本三災而有相似三災謂嗔增盛

似刀兵身羸劣似疾疫數加飢渴似饑饉北洲根本相似俱無新婆沙論三災起時復有三種最極衰損一壽量謂極至十歲二依止謂身量極至一搥手三資具謂以粟稗為食中第一以髮為衣中第一以鐵為莊嚴第一瑜伽論○搥磔同。毘各反。周尺。人一尺。佛二尺。大三災者一大劫終必一火災起如前賢劫成住壞劫如是經七大劫七火災凡七壞初禪復經一大劫有一水災起壞至二禪如是七七火災相間七水災復經七火災凡五十六番火壞初禪七番水壞二禪復經一大劫有一風災起總之為六十四大劫為大三災始終之相依俱舍論出義



初火災壞初禪者。火欲起時，地獄罪畢。求生人中，有定業者，轉生他方地獄。乃至無有一情名爲地獄已壞。畜生、餓鬼、阿修羅亦次第盡。是時世間皆行十善。人身之內，無有諸蟲，與佛身同。以由是時，旁生壞。故時此南洲一人無師法然，得初靜慮。初禪也。從靜慮起，唱言：離生喜樂甚，樂甚靜。餘人聞已，皆入靜慮。命終，並得生梵世中。東西二洲例此。應說北洲，根鈍無離欲。念命終，生欲界天。靜慮現前，方能離欲。乃至人趣無有一情名爲人趣已壞。時欲界六天一人法然，得初靜慮。乃至並得生梵世中。名爲欲界已壞。時梵世中一人法然，得二靜慮。二禪也。唱言：定生喜樂甚，樂甚靜。

餘天聞之，皆入靜慮。命終，並得生光音天。乃至梵世大梵天也。已壞。始從地獄終，至梵天。經十九增減，有情世間次第壞盡。唯器世間空曠。而住。乃至三千世界一切有情同業壞盡。最後一增減劫，方壞器世間。於此漸有七日輪出。有大黑風吹海水爲兩披。初取一日，置須彌腹日道中。行草木彫落。次取二日，河渠皆竭。海水漸涸。七百由旬。三日出時，恒河俱竭。四日出時，阿耨池竭。五日出時，四大海水七千由旬一時竭盡。六日出時，大地火起，靡不燒壞。七日出時，須彌山壞。衆山洞然，風吹猛燄，燒上天宮。乃至梵天無遺灰燼。自地火燄燒自宮殿，非他地火能壞他。由相引起，故

說燒上始從地獄至于梵天於一增減劫次第壞盡  
 乃至三千世界一時俱壞是為火災壞初禪火災過  
 後世界空虛猶如黑穴經二十增減之久大雲降雨  
 水長至天風吹水沫作梵天宮如是下至地獄如前  
 建立在前成劫說○雜出長阿舍經因本經  
 雜心論頌宗論順正理論瑜伽對法論  
 次水災壞二禪者當火起時地獄餓鬼旁生四洲人  
 趣六欲諸天次第得至二禪於二禪中時有一天自  
 然得三禪定餘天聞之皆入此定得生三禪是時二  
 禪中有俱生水界起壞器世間猶水消鹽一時俱沒  
 有說從三禪邊空中忽然雨熱是為水災壞二禪水  
 災過後如前空二十小劫如前大雲降雨風吹水沫

成光音天宮下至地獄後成

三風災壞三禪者當火起時下地諸趣有情及六欲  
 二禪次第得生三禪時有一天自然得四禪定餘天  
 聞之皆入此定得至四禪是時三禪中有俱生風界  
 起壞器世間吹諸天宮相拍粉碎諸大山王亦皆拍  
 碎如風乾肢節悉皆消盡是為風災壞三禪有說從  
 四禪邊  
 空中忽然風起飄擊有說從下風輪擊  
 風上騰○出順正理論瑜伽對法論 如是東方無  
 量世界或有將壞或有將成或有正壞或壞已空或  
 有正成或成已住乃至十方亦爾若有情世間若器  
 世間業煩惱力所生故業煩惱增上力所起故瑜伽  
 對法  
 論初禪內有覺觀火擾亂故外為火災所燒二禪內

有喜水壞亂故外為水災所漂三禪內有出入息風  
擾亂故外為風災所壞四禪不定相續隨彼天生宮  
殿俱起若天命終宮殿亦沒論四禪內外過患一  
切皆無經劫劫皆壞初禪者為順初禪一劫壽故  
次經八劫方壞二禪為順二禪八劫壽故次經六十  
四劫方壞三禪為順三禪六十四劫壽故輔

三世出興志第一

一劫天壽四千三百四十萬二千九百六十劫  
二劫天壽八千六百八十萬四千七百二十劫  
三劫天壽一萬七千一百六十萬七千三百六十劫  
四劫天壽三萬四千三百二十萬四千八百六十劫  
五劫天壽六萬八千六百四十萬九千七百二十劫  
六劫天壽一億三千七百二十萬七千六百八十劫  
七劫天壽二億七千四百四十萬五千四百四十劫  
八劫天壽五億四千八百八十萬九千八百八十劫  
九劫天壽一億零九千七百六十萬七千七百六十劫  
十劫天壽二億一千九百二十萬五千四百八十劫

世界名體志第一

佛祖統紀卷三十二


天宋景定四明東湖沙門

志磐

撰

上窮寶焰下徹風輪此華嚴所明一世界種豎高則  
且約二十重周圍則略得十一數復由此數隨方各  
十則揔之為百十一如天帝珠網分布而住斯但舉  
其一分云耳若推而廣之則十不可說微塵世界遠  
相連接周徧建立各各佛出現各各滿衆生是為華  
藏莊嚴世界海也若夫娑婆大千須彌四天下南洲  
五竺東華震旦若名若體有說有圖雖自廣以至較  
實舉別而會揔既明三世須辨方界此學者所宜知  
也撰世界名體志





淨土經

輪風敷塵微

王開刊

華藏世界品云<sup>七經</sup>此華藏莊嚴世界有須彌山微塵  
 數風輪所持最在上者名殊勝威光藏能持普光摩  
 尼香水海此海有大蓮華名種種光明藥香幢華藏  
 莊嚴世界住其中金剛輪山周匝圍遶○此中復  
 有不可說微塵數香水海一切世界所有莊嚴悉於  
 中現分陀利華十寶階陛欄楯十寶戶羅幢寶衣鈴  
 網幢寶華樓閣寶蓮華城衆寶樹林悉共圍遶○一  
 一香水海各有微塵數香水河右旋圍遶常現寶色  
 光雲十方化佛及諸菩薩於中涌出其中香水海  
 名無邊妙華光出大蓮華名一切香摩尼王莊嚴有  
 世界種而住其上名普照十方熾然寶光明有不可

說佛刹於中布列。○最下第一重名最勝光徧照狀如摩尼寶。一佛刹塵世界圍遶佛號淨眼離垢燈。第二重名種種香蓮華妙莊嚴世界狀如師子座。二佛刹塵世界圍遶佛號師子光勝照。第三重名寶莊嚴普照光世界其形八隅。三佛刹塵世界圍遶佛號淨光智勝幢。第四重名種種光明華莊嚴世界狀如摩尼蓮華。四佛刹塵世界圍遶佛號金剛光明無量精進力善出現。第五重名普放妙華光世界其形普方而多隅角。五佛刹塵世界圍遶佛號香光喜力海。第六重名淨妙光明世界其形四方。六佛刹塵世界圍遶佛號普光自在幢。第七重名眾華嚴莊嚴世界狀

如樓閣。七佛刹塵世界圍遶佛號歡喜海功德名稱自在光。第八重名出生威力地世界狀如因陀羅網。八佛刹塵世界圍遶佛號廣大名稱智海幢。第九重名出妙音聲世界狀如梵天身。九佛刹塵世界圍遶佛號清淨光明相無能催伏。第十重名金剛幢世界其狀周圓。十佛刹塵世界圍遶佛號一切法海最勝王。第十一重名恒出現帝青寶光明世界狀如半月。十一佛刹塵世界圍遶佛號無量功德法。第十二重名光明照耀世界狀如華旋。十二佛刹塵世界圍遶佛號起釋梵。第十三重名娑婆世界狀如虛空。以普圓滿天宮而覆其上。十三佛刹塵世界圍遶佛號毗

盧遮那此即十蓮華藏微塵數相千葉盧舍第十四  
重名寂靜離塵光世界狀如執金剛形十四佛剎塵  
世界圍遶佛號遍法界勝音第十五重名衆妙光明  
燈世界狀如卍字十五佛剎塵世界圍遶佛號清淨  
日功德眼第十六重名清淨光徧照世界狀如龜甲  
十六佛剎塵世界圍遶佛號不可摧伏力普照幢第  
十七重名寶莊嚴藏世界其形八隅十七佛剎塵世  
界圍遶佛號無礙智光明徧照十方第十八重名離  
塵世界狀如珠嬰十八佛剎塵世界圍遶佛號無量  
方便最勝幢第十九重名清淨光普照世界十九佛  
剎塵世界圍遶佛號普照法界虛空光第二十重名

妙寶燄世界狀如寶莊嚴具二十佛剎塵世界圍遶  
佛號福德相光明此二十重上闕下狹如倒安浮圖  
○若廣說世界種所依形狀數有利塵或名回轉形  
清涼疏稱囊往來之形乃至江河形旋流形輪網形壇墀形樹  
木形樓觀形尸羅形幢形普方形胎藏形蓮華形佉  
勒迦形此云衆生形佛相形圓光形網形門闕形須  
彌山形諸莊嚴具如上世界皆在無邊妙華光香水  
海中通相連接成世界網周徧建立○都有十個二  
十重世界種繞此中心世界種揔十個二十重世  
界種經第九卷○此十個世界種周圍至輪圍山復有  
一百個世界種隨方各十於中布列近山周圍十個

世界種各各上下四重餘九十個世界種不言重數  
 共有一百十一个世界種如天帝網分布而住經第十卷  
 ○如是十不可說佛刹微塵數香水海中十不可  
 說佛刹微塵數世界種皆依現一切菩薩形摩尼王  
 幢華嚴蓮華住各各莊嚴際無有間斷各各放寶色  
 光明各各光明雲而處其上各各莊嚴具各各劫差  
 別各各佛出現各各演法海各各衆生徧充滿各各  
 十方普趣入各各佛神力所加持此一世界種中  
 一切世界依種種莊嚴住遙相接連成世界網於華  
 藏莊嚴世界海種種差別周徧建立  
 吳鑑菴曰此圖即華嚴蓮華藏世界海乃實報無

障礙土也昔海禪師雖出其相而說義未周止禪  
 師說義頗悉而未顯其相今雙收二家且考之經  
 目曰法華常在靈山蓋依智者所指故也









俱舍論云第一須彌山高廣各八萬由旬長阿舍起世經高八萬四千由旬餘七山第一香水海橫廣八萬由旬起世及鐵圍次第減半第二持雙山高廣各四萬由旬諸山次第減半第三持軸香水海橫廣四萬由旬七海橫廣各隨七山高量次第減半第四擔木山高廣各一萬由旬第五善見山高廣各五千由旬第六馬耳山高廣各二千五百由旬第七障碍山高廣各一千二百五十

由旬第七香水海一千二百五十由旬第八持地山高廣各六百二十五由旬第八大鹹水海橫闊三十萬二萬二千由旬中有四州阿毗曇論水際周回三十一億一萬三百第九小鐵圍山高廣各三百十二由旬阿毗曇周回三十六億一萬三百諸山入水皆八萬由旬住金輪上諸海皆深八萬由旬今詳自須彌山心南向至本山際八萬由旬八萬由旬南由旬北通徑凡五十六億萬由旬○長阿舍云須彌山南有天下名閻浮提此云勝金洲新其土南狹北廣縱廣七千由旬人面像此地形有大樹名閻浮圍七由旬高百由旬枝葉四布五十由旬人壽百歲中天者多○阿毗曇云南洲衣服莊飾種種

不同一生，故事無數，亦有修行至死無欲。○起世云：大海北有閻浮樹，此樹下有閻浮那檀，金聚高聚高二十由旬。以此勝金出樹下○順正理論有二中洲一遮未羅。劫婆沙云二筏羅遮羅，皆有入住。○長阿含云：須彌山東有天下名弗于逮。此云勝身立其土東狹，西廣，形如半月，縱廣九千由旬，人面像之。有大樹王，名伽藍浮圍，七由旬高，百由旬枝葉，四布五十由旬，人壽二百歲。樓炭經云飯食魚肉，以穀帛珠璣共相市易，有嫁娶禮。○立世阿毗曇論云：東弗婆提人多欲者，一生數至六七十，亦有修行至死無欲，食自死，魚肉自不殺生，頭髮剪前披後，著下衣，竟上衣，繞。○順

正理論云有二中洲一提訶二毗提訶，皆有入住。○長阿含云：須彌山西有天下名俱那尼。此云牛貨新尼其土形如滿月，人面像之，縱廣八千由旬，有樹王名斤提圍，七由旬高，百由旬枝葉，布散五十由旬，人壽三百歲，以牛馬珠玉共相市易。○阿毗曇云：彼土食肉殺生，人死燒屍，或置水埋土，嫁娶同南洲，人多欲者，至十或十二，亦有至死無欲者，莊飾皆被髮，上下著衣。○順正理論云有二中洲一舍攬。古獲二祖里，擎背有入住。○起世論云：介提樹下有一石牛，高一由旬，因名瞿陀尼。因以○長阿含云：須彌山北有天下名鬱單越。此云最勝新婆其土正方，人面像之，縱廣


一萬由旬有大樹王名菴婆羅圍七由旬高百由旬  
枝葉布散五十由旬諸山谷池華果豐茂衆鳥和鳴  
四面有阿耨達池出四大河無有溝阨荆棘蚊蟲毒  
蟲自然粃米衆味具足有摩尼珠名曰燄光置自然  
釜鍍下自然粃米者自生也自然釜鍍者飯熟光滅  
自燒然也鍍方有反包釜而大  
有樹名曲躬葉葉相次天雨不漏彼諸男女止宿其  
下有諸香樹果熟之時自然裂出種種身衣或器或  
食河中寶船乘載娛樂入中浴時脫衣岸上乘船度  
水遇衣便著不求本衣次至香樹手取樂器並以妙  
聲和絃而行其人無有衆病顏貌同等髮紺青色齊  
眉而止人起欲時熟視女人彼女隨詣園林若是父

親母親不應行欲者樹不曲蔭各自散去若非親者  
樹則曲蔭隨意娛樂一日至七日爾乃捨去彼人懷  
妊七八日便產隨生男女置於四衢有諸行人出指  
含嗽指出甘乳充徧兒身過七日已其兒長成與彼  
人等男向男衆女向女衆彼人命終不相哭泣壽以人  
千歲故莊嚴死屍置四衢道有鳥名憂尉禪伽接置  
不吊死屍至山外啖食之其地柔輒隨足隱起大小便  
時地爲開折利已還合其人前世修十善行來生此  
洲壽命千歲不增不減命終之後生天善處○阿毗  
曇云北洲人多欲者一生數至四五亦有修行至死  
無欲○順正理論有二中洲一矩拉婆二僑拉婆皆

有人住阿毗曇云南洲人長三肘半或四肘東洲八  
肘西洲十六肘北洲三十二肘起世云南洲三肘半  
東西洲同量北洲七  
肘○一肘當  
婦肩尺八○長阿含云南洲有三事勝一者勇猛  
強記能造業行二者勤修梵行三者佛出其土○新  
婆沙論四大洲八中洲人形短小有說遮未羅洲唯  
羅刹住復有五百小洲或有人住或非人住或有空  
者○菩薩藏經佛言我觀世間衆生常爲十苦逼迫  
一生二老三病四死五愁六怨七苦受八憂九痛惱  
十生死流轉衆生爲得菩提出離如是逼迫○四教  
儀在因之時行五常五戒中品十善感人道身  
迷曰北洲人定千歲故死不哭吊佛不出生故不

聞佛法此所以爲八難之一也昔人謂列子載黃  
帝夢遊華胥氏之國者即北洲也未知其可南洲  
有佛法可學故大乘根器多生其中以壽命短促  
衆苦逼迫故怖畏發心勤修道行此其所以爲四  
洲之寂勝也





大千界圖

無色界四空天


非非想處天  
 非非想處天  
 非非想處天  
 非非想處天

天羅首離摩

色界八十梵天

天無熱	天現善	天梵無	天無熱
五百四	五百四	五百四	五百四
天變福	天現善	天梵無	天變福
五百四	五百四	五百四	五百四
天生福	天現善	天梵無	天生福
五百四	五百四	五百四	五百四
天果廣	天現善	天梵無	天果廣
五百四	五百四	五百四	五百四
天見善	天現善	天梵無	天見善
五百四	五百四	五百四	五百四
天想無	天現善	天梵無	天想無
五百四	五百四	五百四	五百四
天煩無	天現善	天梵無	天煩無
五百四	五百四	五百四	五百四





華嚴經云三千大千世界以無量因緣乃成大地。依於水輪風輪空輪空無所依。眾生業感世界安住。新菩薩藏經諸佛成就不思議智。故能行知諸風雨相。知世有大風名爲盧博迦。眾生諸有覺受皆由此風之所動搖。此風輪量高三拘盧舍。拘盧舍此云一藏經五里爲一拘盧舍。毗曇論八拘盧舍爲一由旬。即智論中品由旬當四十里也。於此風上虛空之中復有風起名贍薄迦。此風輪量高十由旬。云如是次第輪上六萬八千拘股風輪之相。悉能了知。最上風輪名周徧上界。爲水輪之所依止。其水量高六十八百千由旬。爲大地之所依止。其地量高六十八千由旬。是地量表。有一三千大千世界。

土水風輪會異

○土輪金輪

○水輪

○風輪

俱舍共三十二萬由旬○起世共四十八萬由旬  
 旬○新菩薩藏六十八千由旬○樓炭土二十  
 億萬里金粟金剛各二十億萬里○立世共三  
 十二萬由旬○光明經土深十八萬由旬下有  
 金沙今據起世四十八萬由旬恐脫四字○起世  
 因本經水上風吹轉此水於上成金如熟乳  
 生膏是名金輪○增一阿舍地深六十八千由  
 旬○異無識光明經地深十六萬八千由旬  
 俱舍八十八萬由旬○起世六十萬由旬○菩薩  
 藏六十八萬由旬○樓炭八十億萬里○立  
 世因本經以眾生業力水不  
 流散如食未銷不墮熟藏  
 俱舍百六十萬由旬○起世三千六萬由旬○  
 菩薩藏六萬八千俱屈風輪○樓炭五百二十  
 億萬里○智論大千  
 世界皆依風輪為基  
 華嚴經說義不應有異要是部王聽受機見有

別而譯師今古措辭之不同也

須彌山根上外一萬由旬遶山縱廣一萬由旬是擊

首天住復上一倍因本遶山八千由旬是華鬘天住

復上一倍因本遶山四千由旬是常放逸天住復上

一倍三天皆云一倍者皆以一萬增倍至四天王為

所遶山四千由旬是日月星宿天四天王住論

○須彌山下別有三級諸神住處皆有七重牆院皆

夜叉住起世因此三天皆藥叉住四天王之所部俱

論○日天宮殿天金頗梨所成縱廣五十一由旬正

方如宅遙看似圓智論日月方有五種風吹轉而行

閻浮檀金以為妙輦高十六由旬方八由旬日天子

及眷屬居中受天五欲日天子壽五百歲子孫相承  
皆於彼治宮殿住持滿足一劫歷成住壞空入十日  
天身光妙輦宮殿光明相照有一千光五百旁照五  
百下照日天宮殿常行不息六月北行六月南行月  
天宮殿天銀青琉璃成高十六由旬廣八由旬月天  
子與諸天女在此輦中受天五欲月天壽五百歲子  
孫相承宮殿住於一劫月天身光宮殿成千光明五  
百旁照五百下照何因緣故月天宮殿漸漸現邪由  
日天有六十光障彼月輪去日漸遠故漸漸現復何  
因緣圓淨滿足當十五日月宮去日最遠光不能障  
復何因緣集月十五一切不現此時月宮最近於日

日光隱覆一切不現復何因緣月宮影現此大洲有  
閻浮樹高故影現月輪起世過去有兔行菩薩行天  
帝試之索肉欲食捨身火中天帝愍之取其焦兔置  
於月內今衆生瞻之知是菩薩行慈之身西域南洲  
日正中東洲日始沒西洲日初出北洲當半夜起世  
經餘三日方例知日天宮牆地薄如華葩為五風所持長阿日  
月方圓五百由旬而今所見不過如扇論大星宮宅  
周七百二十里中星四百八十里小星百二十里經  
經過去婆伽婆仙分布諸宿曜宿音護國養人各有  
所主東方七宿角亢音氐房心尾箕北方七宿斗牛  
女虛危室壁西方七宿奎婁胃昂畢觜參音南方

七宿并鬼柳星張翼軫大集經諸星形相在比祭物  
經佛在淨居天宮告諸宿曜遊空天衆九執大天二  
十八宿十二宮辰說過去娑羅王如來所說熾盛光  
大威德陀羅尼除災難法若有國王及諸大臣所居  
之處及諸國界或被五星陵逼羅睺彗孛妖星照臨  
所屬本命宮宿及諸星位或臨帝座於國於家及分  
野處陵逼之時或退或入作諸障難者但於清淨處  
置立道場念此陀羅尼一百八徧或一千徧消災有  
九種執曜能令晝夜時分增減世間豐儉其名曰日  
月熒惑火辰水歲木太白金鎮土羅睺火之彗孛土  
餘氣孔娑婆世界有八萬四千災變惡星經娑

門爲星宿之主法華文句論語曰  
須彌山半四萬二千由旬四天王居智論因本經同  
舍論皆云東方城名上賢南方城名善見西方名周  
羅北方名天敬智論東方治國天王諸經多領乾闥  
婆此云尋香行毗舍闍此云發人精氣鬼又護東  
洲人南方增長天王領鳩槃荼此云厭魅鬼厭於  
著文翻非報能與罪護南洲人西方雜語天王孔雀經  
逆翻衆生現不善報領龍及富單那此云真鐵鬼護西  
洲人北方多聞天王領夜叉此云捷疾今法會傳羅  
刹此云暴惡護北洲人出長爾時毗沙門天王  
光明句記福德提頭賴吒天王此云持國毗留勤又  
之名聞四方故


天王此云增長令自毗留博又天王此云雜語能種  
又惡眼專主罰俱從座起而白佛言是金光明衆經  
惡令遇之發心  
 之王云我等四王二十八部百千鬼神以淨天眼常  
 觀擁護此閻浮提是故我等名護世王金光明經  
家先標北方者西土以北方爲上○涅槃經  
譬如北方之於東方爲無上上四明正提此  
 菩薩多作四天王華嚴四天王皆有昏嫁行欲如人化  
 生小兒在膝上如二歲小兒未久自然寶器盛百味  
 食天甘露漿福多者色白中者色青下者色赤食訖  
 便與諸天等量初生憶昔往業戲已忘念長阿四天王  
 男女生時若於女處膝上眠處生者夫女作意此是  
 我亦言此是我兒若於父膝眠處生者唯有

一父諸妻皆得爲母四天欲事無數亦有修行至死  
 無欲一切欲果諸天亦爾立世論護世四王各有九十  
 一子有大威力皆名曰帝能護十方大義經一切山河  
 樹木土地城郭一切鬼神皆屬四天王論智○一王下  
 有八將軍四王三十二將周四天下護助出家人韋  
 將軍於三十二將中最存弘護比丘道力微者爲魔  
 所惑將軍恚惶奔赴應機除翦天人感通傳

忉利天宮之圖



昔婆羅門姓憍尸迦與知友三十二人共修福德命  
 終皆生須彌山頂憍尸迦為天主三十二人為輔臣  
 論○昔迦葉佛滅後有一女人發心修塔報為天主  
 有三十二人助修報為輔臣君臣合之為三十三名  
 疏○梵語初利此翻三十三天 ○帝釋住首楞嚴定未來成佛號曰  
 無著法華文句  
 須彌山四角各有一峯婆沙論高廣五百由旬金剛手藥叉於  
 中住守護諸天山頂善見大城周萬由旬婆沙論山頂縱廣八萬四千由旬其中平可居者止四萬由旬重門高一由旬半城有千門各  
 有五百青衣藥叉嚴仗防守城中殊勝殿周千由旬  
 其地真金雜寶嚴飾柔輦如妬羅綿隨足高下順正理論



帝釋住處中央金城周千由旬即殊勝殿有五百門中有樓閣名皮禪延四邊寶樓一百一所一萬七千房一房有七天女一女有七采女其諸天女皆是帝釋正妃帝釋與阿脩羅女舍脂共住化身與諸妃共住阿毗曇論目捷連尊者遊歷小千界無有端嚴如毗闍延堂者雜阿含經○城內衢巷天人隨其福德屋舍多少城路五百中有七市穀米衣服衆香飲食華鬘工巧嬉女並有市官天子天女往來貿易商量貴賤具市廛法雖作是事無取無與脫欲所需便可提去是善見城復有天州天縣天村周匝徧布起世因城外四面有四苑一殿車苑起世因本云雜色車苑雜阿含云東門外隨天

福德種種車現二粗惡苑起世云粗惡苑雜阿含云南門外天故戰

時甲仗自現三雜林苑起世雜亂苑月入十四才五天五欲雜阿含云在西門外諸天入中極妙欲塵雜

類俱至四喜林苑起世云人中歡喜雜阿含在北門外諸天所玩皆生

歡喜四苑各千由旬各有一如意池周五十由旬八

功德水城外西南有善法堂三十三天時集辨論制

伏阿素洛如法不如法事東北有圓生樹華開之日

順風香聞百由旬逆風猶及五十里順正善法堂最

中有師子座毗耶仙人經善法堂有八萬四千莊帝

釋升座左右各十六天王隨坐有二太子是二大將

軍坐諸天王左右持國天王與大臣軍旅恭敬諸天

依東門坐增長天王依南門坐廣目天王依西門坐  
多聞天王依北門坐是四天王以世間善惡奏聞帝  
釋諸天王月八日四王大臣徧行世間十四日四王  
太子行十五日四王自行觀察善惡若無多人受戒  
布施帝釋聞奏憂惱說言天衆減損脩羅日增阿毗  
曇論  
第一善法堂天釋第二住峯天三山頂天四善見  
城天五鉢私地天六住俱吒天七雜殿天八歡喜園  
天九光明天十波利樹園天即圓  
生樹十一險岸天十二  
雜險岸天十三摩尼藏天十四旋行地天十五密殿  
天十六鬘影天十七柔輦地天十八雜莊嚴天十九  
如意地天二十微細行天二十一歌音樂天二十二

威德輪天二十三月行天二十四婆利天二十五速  
行天二十六影照天二十七智慧天二十八衆分天  
二十九住輪天三十上行天三十一威德顏天三十  
二威德輪天三十三清淨天正法  
念經○本為人時施飲  
食燈明錢財故名釋提桓因此云能  
天主本為人時姓故  
名憍尸迦舍脂為第一右故名舍脂鉢但於一座間  
思千種義故名千眼於三十三天為主故名因提利  
中阿舍經○本有  
千名翻譯不足帝釋有金剛杵力經孔雀○三十三  
天生時天女手中華生自知有兒即以授夫七日天  
生善知天法行宮殿中見無主天女來言聖子善來  
此汝宮殿我無夫主今相供養毗邪仙  
經天初生時如



十二歲兒於父母住處或兩膝兩股忽然而生即有寶器盛天須陀味及以天酒隨福上中下有白赤黑色飲食既訖身量即與舊男女等起世因單修上品十善生初利天四教諸天通論

身量俱舍論衣量長阿含經壽量阿毗曇論

身光智論飲食因天注業因三果差

報果婆沙論凡聖

論無色身處三論天主天三十一論四禪四地

四天王身長半里衣重半兩人間五十歲為四王一日夜即用四王壽命五百歲計人間九百萬歲為等

活地獄一日夜如是數等活壽五百歲人間三百二十等初利天身長一里衣重六銖人間一百歲為初利一日夜即用此天壽命一千歲計人間三億六千萬歲為黑繩地獄一日夜如是數此獄壽千歲夜摩天身長一里半衣重三銖人間二百歲為此天一日夜即用此天壽二千歲計人間十四億四百萬歲為衆合地獄一日夜如是數此獄壽二千歲兜率天身長二里衣重一銖半人間四百歲為此天一日夜即用此天壽四千歲計人間五十七億六百萬歲為叫地獄一日夜如是數此獄壽四千歲化樂天身長二里半衣重一銖人間八百歲為此天一日夜即用此

天壽八千歲計。人間二百三十億萬歲為大叫地獄。一日夜。如是數。此獄壽八千歲。他化自在天。身長三里。衣重半銖。人間一千六百歲為此天。一日夜。即用此天壽一萬六千歲計。人間九百二十一億六百萬歲為熱地獄。一日夜。如是數。此獄壽一萬六千歲。摩羅波旬天。壽三萬二千歲。俱舍論長阿含經阿毗曇色界壽命。即用劫為量。梵眾天半劫。二十身半由旬。梵輔天。一劫。四十身。一由旬半。少光天。二大劫。此下並云二大劫。即是梵身成在瓔空八十小劫也。二由旬。此下身量並隨壽量。無量光天。四大劫。身四由旬。光音天。八大劫。身八由旬。少淨天。十六大劫。身十六由旬。

無量淨天。三十二大劫。身三十二由旬。徧淨天。六十四大劫。身六十四由旬。無雲天。百二十五大劫。身百二十五由旬。此天身壽俱減。福生天。二百五十大劫。身二百五十由旬。無想天。廣果天。皆五百大劫。身五百由旬。無煩天。一千大劫。身一千由旬。無熱天。二千大劫。身二千由旬。善見天。四千大劫。身四千由旬。善現天。八千大劫。身八千由旬。色究竟天。一萬六千大劫。身一萬六千由旬。俱舍論阿毗曇化樂他化二天。所著衣服。隨心。大小輕重。色界天不著衣服。如著不異。頭雖無髻。如著天冠。無男女相形。唯一種。起世因本○無色界壽命。者空處二萬劫。識處四萬劫。無所有處六萬劫。非

非想處八萬大劫。三界皆有中天。唯北洲兜率天。最後身菩薩無想天。皆定壽命。不說中天。阿毗曇云空處定。行慧行各得一萬劫。識處定慧二行各得二萬劫。上二地。但有定行相倍。故唯六萬八萬。論○諸天業報。生身光者。欲界諸天。以燈燭明珠等施。及持戒禪定等清淨。故身常光明。色界諸天。行禪離欲。修火光三昧。故身常光明。勝於欲界。若釋迦常光。面各一丈。諸天光明大者。雖無量。由旬於丈光邊蔽。而不現。四天王有四種色。紺赤黃白。欲界諸天色。皆如是。如初生時。見紺華。則身紺色。智論○法苑云。色界諸天。以喜為食。無色界。以意業為食。又云。色無色界。並以禪悅。

法喜為食。欲界諸天。福厚者。甘露盈杯。百味俱至。福薄者。雖有飲食。常不稱心。故經云。辟如諸天共器飲。食隨其福德。飯色有異。上者見白。中者見黃。下者見赤。依正法念經云。夜摩已上。盡色界天。貧富皆等。初利已下。報有厚薄。故經云。有薄福天。患飢。下剎浮人。中摘酸棗食。又云。四天王天。食天須陀味。園林池苑。並自然生。一切味。欲界諸天。食亦如此。○眾生具修十善。得欲界天報。修有漏十善。與定相應。得色界天報。復有修四空定。得無色界天報。三果差○四王初利。單修上品十善。得生若夜摩天。已上兼修。未到定。未入根本定。故未定亦名欲界止觀夜摩此云善時時。

時唱快樂故。兜率此云知足於五欲境。生喜足。故化  
樂者於境變化。而自樂。故他化者於自他境。皆能自  
在化用。故已上四天。悉是空居。四教儀集解梵身天下有  
魔羅波旬。諸宮殿。本經因欲色二界中。別有魔宮。其  
魔懷嫉。辟如石磨。磨壞功德。縱廣六千由旬。宮牆七  
重。樓炭經○大論。魔羅。翻奪命。波旬。魔王。多羅什云。  
此翻殺者。常欲劫人慧命。涅槃。波旬。夜於佛法。而得  
善利。不念報恩。反欲加毀。輔行。魔字。從石。石。氣武。以來  
謂能惱人。易之。為鬼。淨名經云。多。是不思議。解脫。音  
薩。應。為魔王。垂裕記云。第六天。上。別。有魔羅所居。他化天。攝。即天子魔也。○大梵此云。離  
欲。除下地。繫。上升色界。疏。法華。梵王無別處。但於天中  
有高樓閣者。是論。俱舍。大梵是君。梵輔是臣。梵眾是民。  
珠苑。少光天。光明最少。無量光。光明勝前。光音天。無

覺觀語言。以光當語。又此天語。時口出淨光。少淨天  
離喜受樂。為淨。未及上位。為少。無量淨天。清淨勝前。  
徧淨天。清淨周徧。無有過患。無雲天下。三禪皆依雲  
住。至此四禪。方是空居。楞嚴作福生天福生天。有勝福力者。  
生。楞嚴作福愛天無想天。外道所居。但受一期。心想不行。受  
五百劫。無心之報。報畢。必起邪見。來生地獄。廣果天。  
果報最勝。無雲福生。廣果。此三天。凡夫住處。修上品  
十善。修禪者。得生無煩天。無見思煩惱。雜故。無熱天。  
離熱惱。故善見天。定障漸微。見極明徹。善現天。形色  
轉勝。善能變化。色究竟天。色法最極。是究竟處。此五  
天名五那舍。此云不來三果聖人居處○無色界。空

處天者行人厭患色籠心欲出離修觀破三種色見可對色眼見色塵也不可見可對色聲塵味觸識也不可見不可對色意緣法塵即無表色也識處天者厭患虛空無邊修觀捨前外空更緣內識無所有處者外境名空內境名心捨此二境入無所有非非想處者非識處之有想非無所有之無想捨有無二邊而入上定也

一切天衆皆作聖言為彼言辭向中印度然不由學自解典言理順正○殺盜婬妄業若生入中身色憔悴無有威德若有餘業得天中身應是形貌減劣實莊嚴具光明微妙天女皆捨餘天輕笑若與修羅戰為他所殺正法諸念經天命終五衰相現一者衣服穢染二

者冠上華萎三者兩腋汗流四者體生臭氣五不樂本座新論○此三十二天二唯凡住謂大梵天王不違業因說我能造化一切天地人物恃此高慢聖人不與共居無想天唯是外道修無想定受五百劫無心之報受畢必起邪見墮於地獄以故聖人不生其中五唯聖住謂五淨居天凡生彼者要長進向那舍身得四禪發於無漏起熏禪業或起一品乃至九品方乃得生凡夫無此熏禪業故不得生餘二十五天凡聖共住論

述曰論無色界身處初言無處者婆沙云四空離形報無別處但在欲色二界成就四空無色業者

言無身者俱舍云。無色無身。纂云。無業果色。非異  
熟身。楞嚴云。是四空天。身心滅盡。定性現前。無業  
果色。孤山釋云。非業果色。顯有定果色也。次言有  
處者。起世云。倍色究竟有空處。乃至非非想處。皆  
名諸天。住處。華嚴云。菩薩鼻根。聞無色界宮殿之  
香。言有身者。阿含云。舍利弗。滅時。無色天。淚下。如  
春細雨。仁王經。列無色天衆。中陰經云。如來至無  
色界中。諸天禮拜。大衆部云。但無粗色。非無細色。  
淨名疏云。若不了義教。明無色界。無色。若了義教。  
明無色界。有色。涅槃云。無色界色。非聲聞緣覺所  
知。今此所明。當從後義。

述曰。論天主。有通別二義。通論者。魔梵欲色各有  
主義。釋籤云。四天王主四天下。此言總遊大論云。  
帝釋為二處。天主四天王魔王為欲界主。居欲界大梵  
王為三界天主。淨名疏云。帝釋是地居天主。梵王  
是娑婆世界主。統御大千。統御天人感通傳答。南  
山云。魔王雖欲界主。帝釋四王若行佛法。魔不能  
制。妙樂云。梵即色主。亦三界主。魔為欲主。輔行云。  
梵王為三界主。餘皆臣屬。別論者。於此又三。初獨  
論梵王。文句云。梵王住禪中間。內有覺觀。外有言  
說。得主領為王。單修禪為梵民。加四無量心。為王。  
又云。梵王號令。捻上冠下。別行疏。梵即色主。名為

尸棄毗曇論云二禪已上無語言法故不立王禪  
門云初禪有覺觀心則有語言法主領下地眾生  
為便二獨論摩醯大論云摩醯首羅八臂三眼騎  
白牛又云過淨居天有十住菩薩號大自在大千  
界主灌頂經字威靈帝華嚴經云大千世界主摩  
醯首羅涅槃經云若言世界主正是摩醯首羅轉  
行云摩醯首羅能覆大千舉世尊之以為化本三  
摩梵對論涅槃疏云摩醯首羅居色界頂主大千  
界若法華中列世界主梵天王者其實祇領小千  
經家美之故言主耳私謂章安判云此是大千之中得  
為大千之主降此不得大千界有萬億梵王此處

梵王尸棄居大千之中故稱為主自餘諸梵所居  
既偏故不得為主也今故斷之曰摩醯處無色頂  
以報勝為主梵王居大千之中以統御為主  
述曰自昔談天者未知四禪四地之義以由諸文  
森列不能區別耳據因本經阿毗曇婆沙論等皆  
以天名次第堅高相去倍遠皆有住地此等立義  
未足可憑今依俱舍論云梵天無別處所但於梵  
輔中有高樓閣者是法苑亦云大梵是君梵輔是  
臣梵眾是民據此則三天同在初禪祇一地耳若  
薩婆多部以無想廣果身壽不殊同為一處楞嚴  
經云從福愛天有二歧路福德圓明名廣果天身

心俱滅名無想天。二歧則是分二類耳此又經云與薩婆義同同一處也此中復有五不還天。此中者指四禪四禪四位天王但有欲聞不能知見如世間深山道場阿羅漢世間麤人所不能見據此則知祇一廣果稱王而於此中具有五那舍一外道同居四禪祇一地耳次第禪門云佛於仁王經說十八梵亦應有民主之異又云四禪中有大靜王瓔珞經明禪禪皆有梵王楞嚴亦云四禪四位天王華嚴列衆三十九位其間欲界則天天稱王色界則禪禪稱王餘天不列今詳初禪既以大梵為王而三經皆說四禪有王玠瓔珞楞嚴則知光音遍淨廣果三天皆王自餘皆一臣

一民之義今故依此等大乘經旨自初禪至四禪立為四地云廣果為王福愛為臣無雲為民五那舍一外道則寄居廣果天中已上九天同居四禪一地也。二禪三禪之或以天天身壽不同須各分處如禪例之諸小乘經論者然梵王之與梵輔梵衆若身若壽皆長短不齊又廣果無想雖五百劫廣果則有中无無想定滿其報以此論之雖身壽不同不妨同處亦猶閻浮之人有壽有夭也又華嚴謂諸天王皆十地菩薩者此等皆是權來引實在於天中化諸實報之天使求脫天業故得稱王若謂王者隻居一處與餘天隔異則將焉用彼王餘天何所依



仰不作此論豈不大哉引實之義或謂二禪已上  
無語言法阿毗曇云何以爲化者然光音既以光爲語  
則知上地諸天威儀進止無非言教以是義推無  
不可者

世界名體志第一

*[Faint bleed-through text from the reverse side of the page]*

世界名體志第二八下天台統紀卷第三十二

天宋景定四明東湖沙門志磐撰

東土震且地里圖

區域之興帝嚳九州冀秦青徐揚荆豫梁雍舜十二州以冀州土闢增

置并幽營三州夏禹平水土分別九州周大封建蓋千八百

國春秋之世見於經傳者百二十有四國下至戰國

七雄并而爲秦懲周封建之弊罷侯置守分天下爲

三十六郡及南平百越又置閩中南海桂林象四郡

兩漢以十三州統治漢武帝置十三刺史晉爲十九州唐爲

十道後又置十五採訪使凡郡府三百二十有八縣

千五百七十有三本朝元豐頒行李德劄等所撰

九域志分為二十三路見于圖郡凡二百九十有五縣  
千一百三十有一化外羈縻之州不與焉

漢盛時四履之地東樂浪西敦煌南日南北馮門東  
西九千里南北萬三千里

古長城戰國時趙築之自代並陰山至高闕二州以  
備胡燕亦築媯州之北至遼東秦始皇令蒙恬築長

城起臨洮音入高麗

四瀆河出積石江出岷山松州義州淮出桐柏唐州濟出

王屋山孟州今河陽府

三江自豫章而下入彭蠡而東至海為南江自蜀岷

山至九江彭蠡以入海為中江自嶓冢導漾東流為

漢過三澁大別以入于江匯于彭蠡以入海為北江

自彭蠡以上為二自夏口以上為三下而至于秣陵  
京口以入海則不復三矣

九河鬲津徒駭在今瀛州鉤槃太史胡蘓在今滄州

馬頰在今濟州覆釜簡潔漫不可考當在東光成平

富縣之間以漢許商之言考之徒駭最北鬲津最南

蓋徒駭是河之本道東出分為八齊小白塞之為一

今河間弓高以東平原富津往往有其遺處蓋塞其

八枝并歸於徒駭也九域志

五岳中岳嵩山在洛州西京東岳泰山在兗州南岳衡

山在潭州西岳華山在華州北岳常山在真定府

東夷初周武王封箕子於朝鮮漢滅之置玄菟郡○

夫餘國在玄菟北千里本濊地○高句麗其始王朱蒙出自夫餘居升骨城號高句麗因以高為氏在遼東千里南接朝鮮濊貊東接沃沮北接夫餘人皆隨山而居○三韓者一馬韓在西五十四國北接樂浪南接倭國二辰韓在東十二國北接濊貊亦曰秦韓言秦人避役適韓國三弁韓在辰韓之南十二國南接倭馬韓最大盡王二韓之地○今新羅辰韓種也在高麗東南居漢樂浪地多山險文字甲兵同於中國○百濟馬韓之屬國於帶方故地初以百家濟故名東接新羅句驪西南俱限大海有僧尼寺塔愛墳史頗解屬文○挹婁古肅慎國在夫餘東北千餘里

其北不知所極人多勇力矢用楛音戶青石為鏃土氣極寒常穴居○遼東郡大遼水出塞外南入海行千二百里遼西今支縣有孤竹城故伯夷國○倭國在百濟新羅東南水陸三千里依山島而居漢魏譯通中國者三十餘國皆稱王大倭王居邪摩堆其地在會稽東俗皆文身モヒハラ自云太伯之後自倭國東千里名拘奴國南四千里名朱儒國人長三四尺自朱儒東南行船一年至櫛國黑齒國倭國始於百濟求得佛經隋大業十三年遣使朝貢兼沙門數十人來學佛法○流求國居海島當建安郡東水行五日而至湯帝遣陳稜至其國虜男女載軍實而還○蝦蟇唐

太宗時倭國遣使借蝦蟇人來朝高宗平高麗倭國遣使來賀始改號日本言其國在東近日所出也○扶桑國在東海中齊永元初僧慧深來建康言其國在大漢東三萬里宋大明五年罽賓沙門至其國傳佛法

北狄周有山戎獯狁秦漢有匈奴相靈時有鮮卑後魏蠕蠕音輒西魏突厥唐回紇皆匈奴故地唐契丹居松漠間至本朝益盛稱大遼後有女真稱大金韃靼稱蒙古

西羌三代為患至秦漢逐之河塞之外漢宣帝時趙充國破先零音憐置金城屬國以處降羌東漢屢為患段熲擊破之魏晉多亂關隴永嘉後有吐谷渾唐初吐蕃并吐谷渾党項諸羌遂為強國

海南諸國扶南丹丹交趾真臘故臨大食白達大秦廬眉勿斯里音夷本朝來貢者占城三佛齊勃尼閣婆注輦丹流眉蒲端

東震旦地理圖



三界八四

Vertical columns of text on the right page, likely providing a legend or commentary for the map. The text is arranged in several columns, reading from right to left. It includes characters such as 東, 震, 旦, 地, 理, 圖, and various place names and geographical terms.

孝武時始通西域三十六國皆在匈奴之西烏孫之  
 南西北有大山中央有河東西六千餘里南北千餘  
 里東則接漢扼以玉門陽關二關皆在西西則限以葱  
 嶺其山葱翠又云多葱蔥同其南山東出金城與漢南山屬焉音燭  
 也其河兩源一出葱嶺一出于闐音田于闐在南山下  
 其河北流與葱嶺河合東注蒲昌海一名鹽澤去玉門陽  
 關三百里廣袤三百里其水冬夏不增減皆以為漕  
 行地下南出積石為中國河源云自玉門陽關出西  
 域有兩道一從鄯善旁南山北循河西行至莎車為  
 南道南道西踰葱嶺則出大月氏安息自車師前五  
 廷隨北山循河西行至疏勒為北道北道西踰葱嶺



則出大宛康居奄蔡西域諸國有城郭田畜與匈奴  
烏孫異俗皆役屬於匈奴西邊日逐王置都尉  
領西域後驃騎將軍擊破匈奴古地降昆邪休屠王  
驃類妙反昆音渾 始築令居以西音 初置酒泉郡  
有音備匈奴二王 味井後稍分置武威張掖敦煌敦音 列四郡據兩關  
自貳師將軍李廣 伐大宛得天馬西域震懼多遣使  
來貢宣帝朝日逐王來降乃令使者鄭吉并護北道  
號都護治烏壘城去陽關二千七百里於西域為中  
西域傳

西域傳

月氏副王降龜茲姑墨溫宿斬焉耆尉犁二王威震  
西域五十餘國皆納質內屬東漢班  
煬帝時西域諸蕃多至張掖與中國交市帝令裴矩  
掌其事撰西域圖記云發自敦煌至于西海凡為三  
道北道從伊吾經蒲類海鐵勒部突厥可汗音克寒  
之庭度北流河水至拂菻國達于西海其中道從高  
昌焉耆龜茲疏勒度葱嶺鑿汗獺勒沙那康國曹國  
何國大小安國穆國波斯達于西海其南道從鄯  
善于闐朱俱波喝盤陀度葱嶺經護密吐火羅挹怛  
仇延漕國至北婆羅門達于西海其三道諸國亦各  
有路南北交通故知伊吾高昌鄯善並西域之門戶

摠湊敦煌云帝由是甘心將通西域令矩往張掖引

致西蕃四十餘國隋書裴矩傳

高昌即車師前王庭是也交河有貪汗山夏有積雪山北

即鐵勒界也自敦煌向其國多沙磧七亦茫然無路

徑欲往者尋人畜骸骨而去或聞歌哭聲蓋魑魅所

為也商旅往來多取伊吾路北史西域傳

述曰設天地之極際者無若佛經其言須彌四州猶大倉一粟耳至如閻浮提者則又四洲之南境

一經言縱廣七千里計之也從遠東西行出陽關

嶺經五竺盡兩河際從南海北行出雁門踰沙漠

極北至瀚海縱橫皆可九萬里而世人乏通識見

漢時四履之盛不出萬里以故乍聞此說莫之能

信須知此方居東天竺居中自北方西至天竺為

四萬五千里自天竺西向盡西海亦四萬五千里

如此則此地為閻浮之東方信矣此儒謂之中國

且擬此地自論四方之中耳儒家談地止及萬里

則不知五竺之殷盛西海之有截也道家談天止

及三境則不知六欲四禪四空之高遠無色之無

極也況欲知萬億須彌三千大千之天地邪况欲

知華藏世界周徧建立如帝網邪是則談天

地之極際者非馮佛經不足盡其致也

贍部洲中心名阿耨達池在香山南大雪山北周入

百里十地菩薩化為龍王於中潛宅出清冷水以給

贍部池之東面銀牛口流出攷伽河遶池一而入東

南海池之南面金象口流出信度河遶池一而入西

南海池之西面琉璃馬口流出縛葛河遶池一而入

西北海池之北面頗脰師子口流出徒多河遶池一

而入東北海或曰潛流地下出積石山為東華河源

云贍部解見前四洲九山圖阿耨達池云無熱惱其



來言來處高也信度此云驗河縛窠此云自高昌近

青河從多此云冷河躡部一名闊浮提

者曰阿耆尼國漢書曰焉耆西南九百里曰屈支加蓋

百所屈居勿反舊西南六百里曰跋錄迦舊曰姑墨西北

六百里至凌山葱嶺之北原行四百里至清池北行

五百里素葉水城西四百里千泉南面雪山三垂平

陸突厥來此避暑西至咀羅私西南白水西南恭佛

城南窠赤建西石國西罕堵利西北康國南至米國

北至曹國西至何國西東安西中安西至西安西南

貨利○自康國西南至史國東南入鐵門南出至覩

貨羅即前引隋書吐火羅東抱葱嶺西接波刺斯南面雪山北

據鐵門○順縛窠河北流至沮密東至赤鄂衍又東

至忽路摩又東至愉漫西南臨河至鞠和衍又東至

鑊沙又東至珂咄羅東接葱嶺至拘謎陁南至尸棄

陁渡河至達摩帝○自活國東南至闊悉多西至縛

伽浪南至紇利健西南忽憐東至縛喝北臨河伽藍

百所人謂之小王舍城從此西南入雪山阿至銳末

陀西南至胡實健西北至祖刺健



從縛喝南至揭職東南入大雪山至梵衍那有卧佛  
 九條衣尚存那和脩胎生東踰黑嶺至迦畢試北背雪山東入北  
 印度境至濫波東至健馱羅大塔高五百尺元魏胡  
 南三那揭揭北印比至烏仗那釋種被汗  
 東南至僧訶補東南至烏刺尸東南至迦濕彌羅舊  
 至闍爛達東北至屈路多北至洛護羅又北至末羅  
 娑○自屈路多南至設多盧北印上並西南至波理恒  
 東至末免羅德多度人石東北至濕伐羅東  
 北至罕祿那東臨苑東度河至末底羅北至婆羅補



此係北雪山中。有金氏國。女為王。夫亦為王。不知政事。此國東接吐蕃。北接于闐。西接○自末底羅。東至瞿毗霜。東南至醯咀。佛為未羅婆。○龍王七日。南度攷伽河。至毗羅剛。東南至劫比他。佛說法處。○初利天。為母說法。帝釋奉三道寶。階之。處西北至曲女城。東南度攷伽河。至阿踰陀。東至阿那穆。東南至鉢羅那。西南至拘睢彌。北至鞞索迦。東北至舍衛國。城南五里。給孤獨園。東南至迦毗羅衛。佛生處。淨飯王。毀摩耶夫人殿。菩薩降胎處。姨母。金縷。袈裟。度八王子。五百解種。東北至拘尸那。佛滅處。林羅柰。王為大唐僧眾所造。支那。此云大唐。○順攷伽河。東北至毗邪離。舊名毗舍離。有維摩方丈。東北至弗栗恃。北印西北至尼波羅。其國北境。即東女國。與吐蕃接。入來國命。往還。率由此地。唐梵相去萬里。

自古取道迂迴。致成遠阻。○自毗邪離。南度攷伽河。至摩竭提。摩伽陀。中印境。王舍城。在此國中。華氏城。在河南岸。西南度尼連禪河。即伽邪城。城西六里。至伽邪山。俗呼靈山。西南菩提樹。佛成道處。樹高五丈。周垣五百步。中有金剛座。千佛坐之。入金剛定。雞園伽藍。無憂王。建常供。千僧。即爛陀寺。五王共造。僧徒數千。並俊才高學。東至瞻波。東至揭朱。祇東度攷伽河。至奔那伐。已上並東至迦摩縷。其國千世。至今不信佛法。國之東境。山阜連接。可兩月行入。蜀西南境。南至三摩怛。東北。大海濱。至室利羅。東南大海。隅至迦摩浪。東至墮羅鉢。又東至伊賞補。又東至摩訶瞻波。即此方。又西南至閻摩那。此六國。道阻不及往。○自三摩咀。西至耽摩立底。東境濱海。卑濕。西北至揭羅刺。西南至烏茶。東南臨大海。有地。南去師子國二萬里。靜夜望其國。佛牙塔寶珠。光猶如大炬。西南至恭御施。已上

臨海濱不西南至揭稜伽南西北至橋薩羅王名引

正為龍猛建伽藍招集千僧計南至案達羅南此下南

至馱那揭西南至朱利邪南至達羅毗南至末羅矩

南境濱海有未刺邪山此山之東有布咀洛迦山山

頂有池池側有石天宮觀自在菩薩遊舍於此有願

見者厲山東南至執師子國此非印度境有佛牙精舍

星王宮側建大屋日營萬八千僧食食時自達羅

毗北至恭建補南印境有多羅樹林其葉西北至摩

訶刺西至跋祿婆業海西北至摩臘婆五印之境有

西北至契吒北至伐臘毗南印西北至補羅自此

自伐臘毗北至瞿折羅西東南鄔閣行南東北至擲

枳陀南北至摩醯補印中自瞿折羅北度信度河至

信度國西東度河東岸至茂羅部西東北至鉢伐多

印北自信度國西南至阿默翅西印西至狼揭羅

海島西女國皆女人佛德歲遣自阿默翅北至臂

多勢西東北至阿茶西東北至伐刺拏西印西至

稽置那西北出印度境至漕矩吒北至弗栗那東北

至大雪山摩那大嶺贍部之中斯嶺特高下嶺至安

咀羅屬突西北至闊悉多屬突西北至活國屬突

諸小國從此東入葱嶺此嶺當贍部中南接大雪山

北至熱海千泉西至活國東至烏殺國四方各數千

諸小國從此東入葱嶺此嶺當贍部中南接大雪山

北至熱海千泉西至活國東至烏殺國四方各數千

里崖嶺數百重，冰雪風寒，山阜葱翠，故此為名。東至  
曹健屬突厥北至阿利尼，東至曷羅胡。○從曹健東至  
訖栗瑟，東北至鉢利曷，從訖栗瑟東至呬摩咀，西至  
鉢鐸那，東南至淫薄健，東南至屈浪拏，東北至鐵帝  
北至尸棄陀，越鐵帝大山，南至商彌，東至波謎州，  
野南至鉢露羅，自川登山，至竭盤陀，下葱嶺，東岡至  
烏殺，西北至佉沙舊名疏勒，東南至沮渠極盛，東至干闥  
東入沙磧，至尼壤城，為東境之關。又東入大流沙，其  
沙隨風聚散，人多迷路，往來聚遺骸以記。東至且末  
東北至樓蘭故地即善國。○印度者，天竺之正名此云  
北背雪山，三垂大海，地形南狹如月，上弦州，平地廣

周九萬里，七千餘城，依止其中，盡三海際，同一王命。  
唐玄奘三藏西域記  
光明經八萬四千城邑，聚落仁王經十六大國五百  
中國十萬，小國楞嚴經此閻浮提大國二千三百  
樓炭經葱河以東，名為震旦，唐彥琮法師云葱嶺已  
西並屬梵種鐵門之左，皆曰胡鄉有指五竺為胡國，類皆大誤。唐義淨三藏於咸亨二年自番禺附船音  
廣州，西至訶陵，次室利佛逝，次末羅瑜，次揭荼北行  
十日至裸人在蜀西南，男女皆裸形，西北半行至耽摩立底陳  
十驛又云駝摩去，那爛陀禮根本塔，耆闍崛山觀疊

卷三十三 十四

衣處大覺寺禮真像即菩提道場拘尸方丈鹿園雞  
嶺禰禮聖迹住那爛陀十年求經還耽摩立底升船  
過揭荼將梵本寄佛逝作南海寄歸傳求法高僧傳  
永昌元年秋回廣府至冬復附舶至佛逝住三載證  
聖元年回洛京譯經

述曰賧部一洲在西為五印度飛行輪王之所治  
是為梵天之種東則震且皇王周孔之所化是為  
君子之國北為狄種獫狁匈奴胡人之鄉封域分  
殊不當指梵為胡以自混濫如舊稱胡跪胡經胡  
漢老胡皆無稽之言不足用也諸經言國城數不  
定者古今離合不同也如此方周千八百國春秋

七十餘國秦七國魏三國晉十六國或離或合為  
國不一要不出此一境也又諸經華梵不同者羅  
什洹河英師苑伽什云須彌英云蕪迷盧並指什  
譯為訛此說未可為定蓋由求法沙門所問土音  
中邊不同古今有異而詮其實則一也如此方南  
北音轉名處名物其語各殊又如此方同一震且  
而周秦漢晉為號不同豈當定是非於古今之際  
能識此意則華梵不同自可心會也

新婆沙論南洲下至無間共四萬由旬上尖下闊猶  
如穀聚○薩婆多論南洲下土泥五百由旬白塔五  
百由旬等活至極熱七獄共高一萬九千由旬各廣

萬由旬無間、高廣二萬由旬、阿毗曇論等活壽五百歲、黑繩、千歲、衆合、二千歲、號叫、四千歲、大叫、八千歲、炎熱

萬六千

歲極熱

半劫無

間一劫


俱舍論

等活、一晝夜當四天王、五百歲、次第至炎熱、一晝夜

當他化、一萬六千歲餘獄次成實論、五無間者、一趣

果無間、捨身即生彼、故二苦無間、中無樂、故三時無

八熱地獄圖



間定、一劫、故四命無間、中不絕、故五形無間、此獄縱廣八萬由旬、一人亦滿、多人亦滿多論二

增遊六十門四

新發論八熱	獄一獄有四	門一門外有	四遊增有時	遊彼其增增
風吹熱沙	燒皮徹骨	沸尿鐵丸	鐵釘以熱鐵上	鐵釘以熱鐵上
風吹熱沙	燒皮徹骨	沸尿鐵丸	鐵釘以熱鐵上	鐵釘以熱鐵上
風吹熱沙	燒皮徹骨	沸尿鐵丸	鐵釘以熱鐵上	鐵釘以熱鐵上

增遊六十門四  
故地獄有情  
其形如人正  
法念誼四真  
善十倍過前  
七大地獄



此八獄在鐵圍山底，仰向，若止受寒凍苦。三法度經

一 頹浮陀 五 嘔咤

二 尼賴陀 六 鬱波羅

三 阿吒吒 七 波頭摩

四 阿波波 八 分陀利

八寒地獄圖

人死，但亡其身，不亡其行，譬如然火，夜書火滅，字存，火至復成。今世作行，後世成之。那先比丘所問經

頹浮陀，壽如橋薩羅國斛量，胡麻滿二十斛，有一丈夫，滿百年，取一胡麻，如是取盡，復以二十頹浮陀壽，為一尼賴陀，壽餘次第，准此。起世因泥犁邪此名非本經 泥犁邪，此名非道，殺界最下劣，故阿毗論捺落迦，此云惡人，新婆沙論人所作善惡，隨人如形影隨身。

地獄有三：一熱，二寒，三邊。一熱地獄者，有八：一名等活，罪人，手生鐵爪，相摑肉，墮或獄卒唱生，或冷風吹活，兩緣雖異，令活一業，又受苦已，復至黑沙獄，乃至沸屎獄，次第至寒水獄，然後命終，由身口意造不善業，墮此獄中。一一大獄，各有十六小獄，周而圍遶。即沙輪增十二名黑繩，以熱鐵繩，絀量肢體，後方斬，雖又受苦已，至黑沙獄，乃至寒水獄，然後命終，準前受苦加事，由惡意向父母及聲聞，墮此獄中。三名衆合，衆多，苦具熾然，猛熱合來，逼惱。餘義準前作 由造三惡業，墮此獄中。四名叫喚，獄卒捉人，擲鐵鑊中，漏沸叫喚，由臆，志懷毒，墮此獄中。五名大叫喚，置鐵鑊中，號咷大

呼由習邪見惡行，墮此獄中。六名炎熱，置鐵城中，火  
 然焦爛，由燒炙衆生，墮此獄中。七名極熱，置鐵城中，  
 大火焦爛，由爲衆惡行，故墮此獄中。八名無間，阿鼻或作  
 阿毗獄卒捉彼罪人，剥皮纏身，著火車上，萬毒並至，  
 無不苦時，爲極重罪，墮此獄中。十惡五逆也，已上此  
 八地獄在閻浮洲下，重累而坐，受熱惱苦。前二有主，治  
 次二，少主治後二，無主治。一寒地獄者，有八。一名頽浮  
 陀，寒苦所切，肉生細泡。二名尼賴浮陀，寒風所吹，通  
 身成泡。此二從身相受名。二名阿吒吒，脅動不得舌  
 作，此聲四名阿波波，舌不得動，脅作此聲。五名啞喉  
 喉內振氣作聲。此三從聲相受名。六名鬱波羅，此是

青蓮華，肉色細折，似此華。七名波頭摩，此是赤蓮華，  
 肉色大折，似此華。開八名分陀利，此是白蓮華，由彼  
 骨折，似此華。開此三從瘡相受名。此八獄在鐵圍山  
 底，仰向居止，受寒凍苦。二邊地獄者，有三。山間水間，  
 曠野，受別業報。此應寒熱雜受。二法度經錄  
 閻浮洲南，二鐵圍山，外有閻摩羅王宮殿，縱廣正等  
 六千由旬，七重欄楯，七重行樹，園苑華池，種種美果，  
 香風遠薰，衆鳥和鳴。王以惡業，晝夜六時，自然有赤  
 融銅汁，在前出生。宮殿即變爲鐵，獄卒取王，撲熱鐵  
 地，以銅汁寫置口中。時王怖畏，作念願我捨身於人  
 間，受生如來法中。正信出家，發是善念，宮殿還成七

寶五欲具足起世

閻羅王昔為毗沙國王與維陀始生王戰兵力不敵因立誓願為地獄主臣佐十八人領百萬眾同立誓曰後當奉助治此罪人毗沙王者今閻羅王是十八臣者今諸小王是百萬眾者諸阿旁是問地獄經阿旁此云無琰摩羅此言雙王兄主男獄妹主女獄正法兄妹皆作獄主故云雙王又苦樂並受故經音阿鼻地獄縱廣八千由旬七重鐵城七重鐵網有十八階子即的及周匝七重皆是刀林四大銅狗十八獄卒八頭六十四角六十四眼有七鐵幢火涌如佛若有罪逆命終之時銅狗化十八車狀如寶蓋一切

火燄化為玉女罪人遙見心喜欲往風刀解體寒急作聲寧得好火安在車上即便火然罪人命終來坐火車屈申臂頭直入阿鼻從上階下如旋火輪至於下階化閻羅王大聲告敕癡人獄種汝在世時不孝父母邪見無道汝今生魁名阿鼻獄如是大苦一日一夜如人間六十小劫如是壽命盡一大劫具五逆者受罪五劫復有眾生犯四重禁虛食信施誅謗邪見不識因果斷學般若毀十方佛偷僧祇物娼遊無道此人罪報經八萬四千大劫復入東方十八階子如前受苦南西北方亦復如是阿鼻即無救也觀

三昧海經○鼻音毗。智炸經。阿毗地獄。應時破壞。當知此音無疑。楞嚴經。既言阿鼻。又出無間。今阿鼻目



